

Doxgaiq Simgyaez Gou

贵港市覃塘区蒙公镇古山小学五年级 Veiz Gezlinz/韦洁霖

Bi' gvaq haj nyied ngoenz ndeu, daeggo daiq gou bae Daging Vuzswh Daya yawj baijgai, gizhaenx baij miz gak cungj gak yiengh doxgaiq, gou sikhaek deng aen doengzbit lwgdouq ndeigyaez ndeu ciuyinx lo. Gou gaem doengzbit lwgdouq youq ndaw fwngz, yawj dwk ngaiez bae, sij mbouj ndaej byaij bae. Daeggo raen gou gyaez mbouj sij cuengq, couh cawx hawj gou lo.

Gou gaem aen doengzbit duz-douq dwggyaez neix, gaej dwen miz geijlai angq lo. Sijseaq yawj, cij raen cehda duzduq lumj rinbaujlamz ityiengh rongh, aenbak iqet mbeuj doxhwnj riu dwk, dwggyaez lai lo. Gwnz gyaeuj de doiq rwz raezrangh henjrwg, bwn yungzyubyub, lij seiz

mbouj seiz doengh mbat ndeu, lumjbaenz dongx gou nei. Diuzrieng iq gutungq baenz aen giuz iq ndeu, deng de giuj yo youq baihlaeng. Geubuh caeuq geuvaq saekdamh-loeg daenj youq gwnz ndang de, hawj vunz yawj daengz roxnyinh sangj raixcaix, mbaw gaensei hausag heux youq gwnz hoz de haenx, hawj duzduq iq demgya le geij faen gyaeunde.

Duzduq dwggyaez raixcaix. Mwh gou daj ndaw doengzbit dawz bit okdaej yaek sij cozyez, couh lumjbaenz yawjraen duzduq cingq yungh gij lwgda gujli de doiq gou naeuz: "Bouxcaiw iq, mwngz itdingh aeu nyinhcaen sij cih, guh daezmoeg, gaej rubrab guh." Mwh gou sij sat cozyez dawz bit cingcaez

cuengq haeuj ndaw doengzbit bae, youh lumjbaenz dingqny i duzdouq iq riunyumj doiq gou naeuz: "Bouxcaiw iq, mwngz caen dwg laeq lwgnyez lingzleih, maij hagsib ndeu ha."

Couh yienghneix, doengzbit duzdouq baenz boux doih hagsib gou noix mbouj ndaej ndeu.

Seizgan lumj naq, bi' ndwen lumj daeuq, baez yaepda, aen doengzbit duzduq gaenq buenx gou gvaq ndaej bi ndeu lo, youq ndaw gij saedcej neix, yienznaeuz gou youh dem mbangj doxgaiq moq hagsib yungh haenx, hoeng aendoengzbit duzduq lij dwg doih ndawsim gou cei q gyaez.

(bouxlauxsae son' gyauq Cinz Dunghvah)



“Faexyinghyungz” Ndaw Hagdangz

Hagdangz dou mbouj suenq hung, hoeng cungjfaex gig lai. Hagdangz gizgiz cungj miz faex, cei q yinx vunz cimyawj dwg gominz hungsang youq bakdou hagdangz haenx, gou heuh de guh “faexyinghyungz”.

Seizcin dwg seiz cei q ndei yawj gominz. Baenz duj baenz duj va ndingyanyan, couh lumj baenz bog baenz bog feiz iq dawzyubyub nei. Mwh “bogfeiz iq” cungj diemj dawz, gominz couh lumj fwjhaemh youq gyangmbwn ndingyanyan, gig wenjda ndei yawj. Gou raen gvaq haujlai va gyaeunde, miz vamauxdan Lozyangz, miz vamoiz Dunghhuz, lij miz vayinghvah Vuyenz, gijneix cungj dwg ndaem baenz benq hung cij baenz funghgingj gyaeunde, hoeng gominz cij aeu go ndeu, de mboujlwnh ndwn youq gizlawz, cungj ndaej hawj gizde bienqbaenz giz funghgingj gyaeunde ndeu. “Va’ nding lij aeu mbawheu boiq”, hoeng gominz mbouj yungh mbaw de daeuj boiq, aenvih mwh de hai va, doenghgo henz ndang de cungj baenz mbawheu lo. Aiqdwg cijmiz yinghyungz cij ndaej-daengz cungj doiqdaih daegbied neix ba!

Vaminz yienznaeuz dwg va, hoeng de yawj hwnjbae engq lumj gienh gunghyibinj ndeu. Caeuq vamauxdan, vamoiz, vayinghvah doxbeij, gij saek de mbouj gaeuq lai, engq mbouj miz feih-

hom yinx vunz, hix mbouj lumj gij va wnq oi qup gyaeunde, haj dip va de ndaetndi nem youq doxcaez, youh hung youh na youh raeuz, lumj aeu gihgi guh baen aen cung’ va ndeu, youh gyaqciq youh gietsaed. Gyoengqde daj dingj faex geijcib mij sang doek daengz gwnz dieg, hix mbouj yungzvaih, couhcinj youq gwnz dieg ninz geij ngoenz, rumz ci fwn rwed, lij gig cingsaenz gvaek-gvaek, caen dwg va faexyinghyungz hai okdaej ha!

Mwh vaminz loenq roengzdaej, gip vaminz baenz cungj hozdung miz-yinx roengzdangz ndeu. Miz seiz, gou ndwn youq laj gominz, ngiengx aen-gyaeuj, yawj byaifaex sangvid, muengh bongj daeuj raq rumz ndeu, roxnaeuz mbin daeuj duz roeg ndeu, yienghneix couh ndaej yawj vaminz doek roengzdaej. Vaminz baenz duj baenz duj doek roengzdaej, miz seiz yaek caj haemq nanz seizgan. Ngiengx gyaeuj yawj gominz sangvid, couh lumj ndwn youq baihnaj yinghyungz nei, cij fatyienh swheij dwg geijlai iqet ha!

Moix bi seizcin, youq ndaw geiq-ciet cei q gyaeu, gominz hagdangz hai ndaej hoenghhwd. De dwg buengjyiengh raeuz hagsib, raeuz hix wnggai youq nienzgeij cei q ndei neix, roengzrengz hailangh.

(sam nienzgaep Cau Yinlieng)

Gienh Saeh Nanzlumz Ndeu

贵港市覃塘区蒙公镇凌寺小学五(1)班 Yiz Bingh/庾冰

Ndaw gwndaenj raeuz fatseng gvaq haujlai saeh, miz gij saeh angq, siengsim, mizyinx, dangyienz haengjidingh noix mbouj ndaej gij saeh nanzlumz haenx.

Haenx dwg mwh gou 7 bi, miz ngoenz singhgiz ndeu, daxmeh heuh gou hwnqmbonq, hoeng, gou lij ngunhngwd ninz dwk, cigdaengz daxmeh heuh gou gwn haexcaex seiz cij hwnq. Baez hwnq couh gamjdaengz aen' gyaeuj naekgywd, hoeng gou lijdwg nyaenx youq lo. Daxboh daxmeh daiq dahnuegx okdou lo, gou boux dog gag youq ranz yawj densi, banngaiz miz doengzhag heuh gou bae guhcaemz gou hix mbouj okbae. Banngaiz, gou hix mbouj gwnngaiz. Sawqmwh, gou gamjdaengz ndang mbouj miz rengz, fatnit, gou couh aeu geij fan denz daej goemq.

Banhaemh daxmeh ma ranz, raen gou ninz youq gwnz mbonq mbouj doengh, baez lumh gyaeuj gou couh hemq “vaiq soengq bae yihyen.”

Daengz yihyen le, ginggvaq canghyw genjcaz, canghyw gangj dwg aenvih dwgliengz, mbouj gibseiz gwn yw cix yinxhwnj fatndat lo. Youq seizneix dungx gou yiengj “gu gu”, daxmeh gangj: “Dwg mbouj dwg banngaiz mbouj gwn ngaiz ne?” Gou gangj: “Mwngz baenzlawz rox ne?” Daxmeh gangj: “Gou yawjraen gwnz daiz gij haexbyaek di hix mbouj doengh couh rox lo.”

Youq gou baenzbingh seiz, vunz ranz gou doiq gou gig ndei, naihsim ciuqgoq gou, hawj gou gamjdaengz gig vuenyungz.

Neix couhdwg gienh saeh hawj gou nanzlumz ndeu, yienznaeuz de dwg gienh saeh iqet ndaw gwndaenj ndeu, hoeng de cix gaek youq ndaw uk gou, itcig nanzlumz.

(bouxlauxsae son' gyauq Luz Sezyen)

